

9 января Ап. первомч. и архидиакона Стефана. Прп. Феодора
Начертанного, исп.

9 января

Входное

Попразднство Рождества Христова: Приидите, поклонимся и припадём ко Христу. / Спаси ны, Сыне Божий, / рождёйся от Девы, поющая Ти:// аллилуия. **Единожды.**

Затем лик поет тропари и кондаки по уставу.

Тропарь Рождества Христова, глас 4

Рождество Твое, Христе Боже наш, / возсия миру свет разума, / в нем бо звездам служащий / звездою учахуся / Тебе кланяться, Солнцу Правды, / и Тебе ведети с высоты востока. / Господи, слава Тебе.

Тропарь храма святого (здесь поем Ваш тропарь)

Тропарь ап. от 70-ти первомч. и архидиакона Стефана, глас 4

Подвигом добрым подвизался еси, / первомучениче Христов, и апостоле, и архидиаконе Стефане, / и мучителей обличил еси нечестие: / камением бо побиен от рук беззаконных, / венец от яже свыше десницы приял еси / и к Богу зывал еси, вопия: / Господи, не постави им греха сего.

Тропарь прп. Феодора Начертанного, исп, глас 8

Православия наставниче, / благочестия учителю и чистоты, / вселенная светильниче, / монашествующих Богодохновенное удобрение, / Феодоре премудре, / ученьми твоими вся просветил еси, цевнице духовная; / моли Христа Бога спастися душам нашим.

Кондак храма святого (здесь поем Ваш кондак)

9 января Ап. первомч. и архидиакона Стефана. Прп. Феодора
Начертанного, исп.

Слава Отцу, и Сыну, и Святому Духу.

Кондак ап. от 70-ти первомч. и архидиакона Стефана, глас 3

Владыка вчера нам плотию приходяше, / и раб днесь от
плоти исхождаше. / Вчера Царствуяй плотию родися, / днесь
раб камением побивается; / Того ради и скончается пер-
вомученик и Божественный Стефан.

И ныне, и присно, и во веки веков. Аминь.

Кондак Рождества Христова, глас 3

Дева днесь Пресущественнаго раждает, / и земля вертеп
Неприступному приносит. / Ангели с пастырьми славо-
словят, / волсви же со звездою путешествуют; / нас бо ради
родися / Отроча Младо, Превечный Бог.

Чтение Апостола

*По окончании Трисвятого диакон, подойдя к Царским вратам, возгла-
шает:* Вонмем.

Священник: Мир всем.

Чтец: И духови твоему.

Диакон: Премудрость.

Прокимен попразднства Рождества Христова

Чтец: Прокимен, глас 8: Вся земля да поклонится Тебе, и поёт Тебе, / да поёт же имени Твоему, Вышний.

Лик: Вся земля да поклонится Тебе, и поёт Тебе, / да поёт же имени Твоему, Вышний.

Чтец: *Стух:* Воскликните Господеви вся земля, пойте же имени Его, дадите славу хвалё Его.

Лик: Вся земля да поклонится Тебе, и поёт Тебе, / да поёт же имени Твоему, Вышний.

**9 января Ап. первомч. и архидиáкона Стефа́на. Прп. Феодо́ра
Начертáнного, исп.**

Прокимен ап. от 70-ти первомч. и архидиáкона Стефа́на

Чтец: Прокимен, глас 8: Во всю зéмлю изы́де вещáние их, / и в концы́ вселéнныя глаго́лы их.

Лик: Во всю зéмлю изы́де вещáние их, / и в концы́ вселéнныя глаго́лы их.

Диакон: Премúдрость.

Во время пения прокимна и чтения Апостола диакон кадит престол, алтарь, служащих, а также иконостас и весь народ.

И чтец надписание Апостола: Собóрнаго послáния Иáковля чтéние.

И паки диакон: Вóнмем.

Рядовое: Зачало 52 В пяток 31-я недели. (Иак.2:1-13)

Брáтие, не на лицá зряще имéйте véру Гóспода нáшего Иисýса Христá слáвы. Áще бо вни́дет в сóнмище вáше муж, злат пёрстень нося, в рíзе свéтле, вни́дет же и нищ в хúде одéжде, и воззритé на носящаго рíзу свéтлу, и речéте ему́: ты сяди зде дóбре; и нищему речéте: ты стáни тáмо, или́ сяди зде на подно́жии моём; и не разсмотрíte в себе́, и бы́сте судий помышлéний злых. Слы́шите, брáтие моя возлю́бленная, не Бог ли избрá ни́щия мíра сегó богáты в véре и наследники Цáрствия, éже обеща́ любящим Егó? Вы же укорíte ни́щаго. Не богáтии ли насíлуют вам, и тii влекúт вы на суди́ща? Не тii ли хúлят дóброе íмя наречéнное на вас? Áще úбо закóн совершáете цáрский, по Писáнию: возлю́биши íскренняго своeгó я́коже себе́ самáго, дóбре творитé. Áще же на лицá зритé, то грех содева́ете, обличáеми от закóна я́коже престúпницы. Íже бо весь закóн соблюдéт, согрешít же во едíном, бысть всем повíнен. Рекый бо, не прелюбы́ сотвори́ши, рекл есть, и не убиéши. Áще же не прелюбы́ сотвори́ши, убиéши же, был есí престúпник закóна. Тáко глаго́лите и тáко творите, я́ко закóном свободным хотя́ще суд прия́ти. Суд бо без мíлости не сотворшeму мíлости, и хва́лится мíлость на судé.

ап. от 70-ти первомч. и архидиáкона Стефа́на:

Зачало 17 (Деян.6:8-7:5,47-60)

Во дни óны, Стефа́н испóлнь véры и сíлы творя́ше зна́мения и чудеса́ véлия в лю́дех. Воста́ша же не́цыи от сóнма глаго́лемаго Ливертíнска и Киринéйска и Алексáндрска, и íже от Киликii и Асии, стязáющесе со Стефа́ном. И не можа́ху протíву стáти премúдрости и Дúху, Íмже

**9 января Ап. первомч. и архидиакона Стефана. Прп. Феодора
Начертанного, исп.**

глаголаше. Тогда подустыша мужи глаголющая, яко слышахом его глаголюща глаголы хульные на Моисея и на Бога. Сподвигоша же люди и старцы и книжники, и нападше восхитиша его и приведоша на сонмище, поставиша же свидетели ложны глаголющая, яко человек сей не престаёт глаголы хульные глаголя на место святое сие и закон. Слышахом бо его глаголюща, яко Иисус Назорей сей разорит место сие и изменит обычаи, яже предаде нам Моисей. И возрвше нань вси сидящие в сонмищи, видеша лице его яко лице Ангела. Рече же архиерей: аще убо сия тако суть? Он же рече: мужие братие и отцы, послушайте. Бог славы явился отцу нашему Аврааму сущу в Месопотамии, прежде даже не вселится ему в Харрань, и рече к нему: изыди от земли твоея и от рода твоего и от дому отца твоего, и прииди в землю, юже аще ти покажу. Тогда изшед от земли Халдейския, вселися в Харрань, и оттуду, по умертвии отца его, пресели его в землю сию, на нейже вы ныне живете, и не даде ему наследия в ней, ниже стопы ногу. Соломон же созда ему храм. Но Вышний не в рукотворенных церквах живёт, якоже пророк глаголет: Небо Мне престол есть, земля же подножие ногам Моим. Кий храм созиждете Ми, глаголет Господь, или кое место покоищу Моему? Не рука ли Моя сотвори сия вся? Жестоковыи и необрезанныи сердца и ушесы, вы присно Духу Святому противитесь, якоже отцы ваши, тако и вы. Кого от пророк не изгнаша отцы ваши? И убйша предвозвестившия о пришествии Праведнаго, Егоже вы ныне предатели и убийцы бысте, иже приясте закон устройением Ангельским и не сохраните. Слышаше же сия, распыхахуся сердца своими и скрежетяху зубы нань. Стефан же сый исполнь Духа Свята, возрв на небо, виде славу Божию и Иисуса стояща одесную Бога, и рече: се вижу небеса отверста и Сына Человека одесную стояща Бога. Возопивше же гласом велиим, затыкаху уши свои и устремшася единодушно нань, и изведше вне града, камением побиваху его, и свидетелие снемше ризы своя положиша при ногу юноши нарицаемаго Савла, и камением побиваху Стефана, молящася и глаголюща: Господи Иисусе прими дух мой. Преклонь же колена, возопи гласом велиим: Господи, не постави им греха сего. И сия рек успе.

Священник: Мир ти.

Чтец: И духови твоему.

Диакон: Премудрость.

Чтец: Аллилуиа. Аллилуиа. Аллилуиа, глас 1.

Аллилуарий попразднства Рождества Христова

**9 января Ап. первомч. и архидиакона Стефана. Прп. Феодора
Начертанного, исп.**

Чтец: Небеса́ поведают сла́ву Бо́жию, творение же руку́ Его́ возвещает твердь.

Лик: Аллилу́иа. Аллилу́иа. Аллилу́иа.

Чтец: *Стух:* День дни отрыга́ет глаго́л, и ночь но́щи возвещает ра́зум.

Лик: Аллилу́иа. Аллилу́иа. Аллилу́иа.

Аллилуарий ап. от 70-ти первомч. и архидиакона Стефана

Чтец: Испове́дят Небеса́ чудеса́ Твоя́, Го́споди, ибо́ и́стину Твою́ в Це́ркви святы́х.

Лик: Аллилу́иа. Аллилу́иа. Аллилу́иа.

Чтение Евангелия

Диакон: Благослови́, влады́ко, благовестите́ля свята́го Апосто́ла и Евангели́ста Ма́рка.

Священник, осеняя его крестным знаменем, произносит: Бо́г, моли́твами свята́го, сла́внаго, всехва́льнаго Апосто́ла и Евангели́ста Ма́рка, да да́ст тебе́ глаго́л благовествующему́ си́лою мно́гою во исполне́ние Ева́нгелия Возлю́бленнаго Сы́на Своего́, Го́спода на́шего Иису́са Христа́.

И подает ему святое Евангелие.

Диакон: Ами́нь.

Священник: Прему́дрость, прости́, услы́шим свята́го Ева́нгелия. *Таже:* Ми́р все́м.

Лик: И ду́хови твоему́.

Диакон: От Ма́рка свята́го Ева́нгелия чтéние.

Лик: Сла́ва Тебе́, Го́споди, сла́ва Тебе́.

Священник: Во́нмем.

Евангелие от Марка, зачало 53. Пяток 17-я и 32-я недели. (Мк.12:1-12)

Рече́ Господь притчу́ сию́: виноград насади́ человек, и оградí оплото́м, и ископа́ точило, и созда́ столп, и предаде́ его́ тяжателем, и оты́де. И посла́ к тяжателем во вре́мя раба́, да от тяжатель при́мет от плода́ винограда́. Онí же е́мше его́ бйша и посла́ша тощ. И па́ки посла́ к ним друга́го раба́, и того́ ка́мением бйвше, пробйша главу́ ему́ и посла́ша безче́стна. И па́ки ино́го посла́, и того́ убйша, и мно́ги и́ны, о́вы у́бо бйюще, о́вы же убива́юще. Ещэ́ у́бо е́динаго сы́на имé возлю́бленнаго своего́, посла́ и того́ к ним последí,

**9 января Ап. первомч. и архидиáкона Стефа́на. Прп. Феодо́ра
Начертáнного, исп.**

глаго́ля, я́ко усрамя́тся сы́на моего́. Онí же тяжáтеле рéша к себе́, я́ко сей есть наслéдник, приидíte, убиём егó, и нáше бúдет наслéдствие. И ёмше егó убíша и извергóша егó вон из виногрáда. Что úбо сотворíт госпóдь виногрáда? Приидет и погубíт тяжáтели и даст виногрáд инём. Ни Писáния ли сегó чли естé: кáмень, егóже не в рядú сотворíша зíждущи, сей бысть во главú úгла, от Гóспода бысть сей, и есть дíвно во óчию нáшею? И иска́ху Егó я́ти, и убоя́шася наро́да, разумéша бо, я́ко к ним прítчу речé, и оста́вьше Егó отыдóша.

архидиáкона Стефа́на: Евангелие от Матфея, зачало 87. (Мф.21:33-42)

Речé Госпóдь прítчу сию́: человек не́кий бе домовíт, íже насадí виногрáд, и оплóтом оградí егó, и ископá в нем точíло, и создá столп, и вдаде́ í дéлателем, и оты́де. Егда́ же прибли́жися вре́мя плодóв, послá рабы́ своя́ к дéлателем прíяти плоды́ егó, и ёмше дéлателе рабы́ егó, óваго úбо бíша, óваго же убíша, óваго же кáмением побíша. Па́ки послá íны рабы́ мно́жайша пёрвых, и сотворíша им та́коже. Последí же послá к ним сы́на своего́, глаго́ля: усрамя́тся сы́на моего́. Дéлателе же вíдевшe сы́на, рéша в себе́: сей есть наслéдник, приидíte, убиём егó и удержím достоя́ние егó. И ёмше егó изведóша вон из виногрáда и убíша. Егда́ úбо приидет господíн виногрáда, что сотворíт дéлателем тем? Глаго́лаша Емú: злых зле погубíт их, и виногрáд преда́ст инým дéлателем, íже возда́ят емú плоды́ во вре́менá своя́. Глаго́ла им Исусúс: не́сте ли чли николíже в Писáниях, кáмень, егóже не в рядú сотворíша зíждущи, сей бысть во главú úгла? От Гóспода бысть сие́, и есть дíвно во óчию ва́шею.

Священник: Мир тí, благовествúющему.

Лик: Сла́ва Тебе́, Гóсподи, сла́ва Тебе́.

Задостойник, глас 1-й

Припев: Велича́й, душé моя́, / честне́йшую и сла́внейшую
го́рних во́инств, // Дéву Пречíстую Богорóдицу.

Ирмо́с: Любíти úбо нам, / я́ко безбéдное стра́хом, / удо́бее
молча́ние; / любóвию же, Дéво, / пéсни ткáти спротяже́нно
сложéнныя неудобно́ есть; / но и, Ма́ти, síлу, // ели́ко есть
произволéние, даждь.

9 января Ап. первомч. и архидиакона Стефана. Прп. Феодора Начертанного, исп.

Причастен по праздниству Рождества Христова

Избавлѣние послá Господь людем Своим.

Причастен ап. от 70-ти первомч. и архидиакона Стефана

Во всю зѣмлю изыде вещание их, и в концы вселенныя глаголы их.

Аллилуиа. Аллилуиа. Аллилуиа.

Отпуст

Иже в вертепе родивыйся, и в яслех возлегий, нашего ради спасения, Христос Истинный Бог наш, молитвами Пречистой Своей Матере, иже во святых отца нашего Иоанна, архиепископа Константина града, Златоустаго, свт. Николая, архиепископа Мир Ликийских, Чудотворца, ап. от 70-ти первомч. и архидиакона Стефана, прп. Феодора Начертанного, исп, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла, / Святѣйшаго Патриарха Московскаго и всея Руси, / богохранимую страну нашу Россійскую, / настоятеля, братию и прихожан святаго храма сего, / и вся православныя христианы, / Господи, сохрани их на многая лета.